

## Interna modernigo por ILEI

La surprizaj eventoj de la lastaj tagoj pelas nin koherigi niajn imagojn kaj planojn pri la interna renovigo, kiun ILEI bezonas, por ke ĝi forlasu la nunan estraran mandaton en 2012, multe pli kapabla plenumi siajn celojn kaj ludi konvenan rolon en la eduka mondo.



Tio signifas grandlinie, malfermi sian internan kaj organizan laboron al multe pli vasta rondo ol la manpleno de realigantoj. Tio signifas ekuzi pli intense la transformajn kaj demokratigajn eblojn de reta komunikado. Tio signifas aktualigi sian regularan bazon, por ke tio konvenu por la retepoko, kaj liveri gvidon pri multaj temoj nun preteratentataj. Tio signifas transformi sian financadon por permesi al ni aldoni laborfortojn ekster-estrajn kaj engaĝi sin serioze kun partneroj. Jen, en unu konciza alineo la vizio. Sekvu detaligo.

## Malfermiteco

La transformo komenciĝis. La ligo retejo ricevas novan eron ĉiun kelkan tagon – ne dum unu momenta eksplodo de aktiveco – sed kontinue, seninterrompe tra la 18 monatoj ekde la komenco de la mandato. Aldone al la regulaj novaĵoj, kaj multo plia, nun legeblas en la reto che [www.ilei.info](http://www.ilei.info):

- Plena serio de financaj dokumentoj (spezoj, buĝetoj, kaso) por 2008 kaj 2009.
- Protokoloj de komitataj kaj estraraj kunsidoj el la periodo.
- Listoj de estraraj decidoj tra 2010 (pli ol 20).
- Tasklistoj por ŝlosilaj agantoj, ĝisdatigitaj kun plenum-kontrolo ĉiun duan monaton.
- Prezento de partneraj organizoj – en 2009 estis du, nun estas pli ol dek.
- Serio de diversspecaj uzeblaj varbiloj pri la Ligo
- Ampleksaj 50-paĝaj raportoj pri la Sekcioj de ILEI – en 2008 kaj 2009
- La plena estrara raporto pri 2009 – tiujn raportojn pli frue ricevis nur komitatoj.
- Modelaj enketiloj per kiuj la Landaj Sekcioj kaj la Rerezentantoj ĉiujare raportu.
- Gvidiloj/petiloj per kiuj novaj sekcioj kaj reprezentantoj petu aliĝon al la ligo.

Ĉiu ajn labordokumento kiu ne havas tre validan kialon resti en difinita rondo aperu publike, unuflanke por intensigi la informfluan kaj la informitecon de niaj membroj kaj aliaj, aliflanke por protekti la enhavon kontraŭ perdiĝo kaze de komputilpaneoj, demisioj kaj mandatfinoj de kernaj agantoj.

Plia esenca progresigo, estas la enkonduko de reta voĉdonado de la komitato, kiel jam okazas en la estraro. La senkvoruma komitato en Havano aprobis la regularon kiu enkondukos tion; survojas nun al la plena komitato papera voĉdonilo kun deko da decidendaj punktoj, ĉefaj inter ili estas la trakto de tiu regularo. La celo de tio estas intensigi la voĉdonadon, kiu dudirekte utilas. Unue, ni povas sondi multe pli regule ĉe la

komitato pri demandoj kiujn ni antaŭe decidus interne – por eviti la signifajn kostojn kaj atendotempojn de fizika voĉdonado. Due, ĝi permesas vere demokratian partoprenon. Ne plu decidiĝas ĉio per manpleno da komitatanoj venintaj el landoj kun tia vivnivelo kiu permesas vojaĝadon al konferencoj (en Havano ni havis 12 komitatanojn aŭ anstataŭantojn, en Krakovo malpli ol 20). Nun ĉiuj 55 komitatanoj havos eblon aŭdigi sian voĉon. Kapablo atingi iel retkonekton estas ekstreme pli vasta ol la kapablo pagi flugbiletojn.



Jen la senkvoruma komitato en Matanzas. Eventuale la bildo kaptas la momenton, kiam la kolektivo traktis la novan regularon – sed laŭ la gajaj esprimoj, oni povas pridubi tion.

– tion la estraro jam akceptis. Ceteraj estraranoj kaj la sekciestroj rajtos vidi la membraron sen la konfidencaj informoj, kiel adresoj. Tia regule ĝisdatigata membraro permesos al sekciestroj kontroli la ĝustan registradon de la datumoj de sia sekcio kaj povas trankvili, ke la ligo efektive plenumas la servojn por iliaj membroj. Similon ni faras jam de jaroj pri abonoj de *Juna amiko*, por ebligi perantan rekontrolon. Estrarano kiu por plenumi sian oficon bezonas aliron al adresinformoj povas peti tion de unu la tri nomitaj gardantoj de la datumaro.

## Liga reguligo

La nuna strukturo lasas tro da demandoj neresponditaj kaj ne donas sufiĉan praktikan gvidon. La estraro proponas pretigi ĝis Kopenhago fundan revizion de la nuna Regularo, kiun ĝi plie afiŝos en la retejo en pura kaj markita versioj, tiel ke ne nur la komitatanoj, sed ĉiuj sekcianoj povos vidi kaj diskuti la novan tekston.

Tamen, se ni klopodus stufi en la kompatindan regularon ĉiun etan detalon, ĝi farighos monstre longa kaj ne superrigardebla dokumento. La solvo estas rigardi la tutan teronon, kaj elformi freŝan pli suplan strukturon. Jen la nunaj ideoj por tri-nivela strukturo, kiuj cirkulas en la estraro:

**Statuto:** Ĝi difinas nur la plej vastajn demandojn. Ĝin rajtas ŝanĝi nur la komitato, sed per simpla plimulto. Ni proponas ne tushi tion, krom se vere necese.

**Regularo:** Ĝi detaligas la Statutan enhavon. Ĝin rajtas ŝanĝi la komitato per simpla plimulto. Ni proponas ŝanĝi tion pere de komitata voĉdono en Kopenhago.

## Membroadministrado

La laŭlanda membrostatistiko estu regule afiŝata rete, tiel ke ĝi fariĝu publike kaj preskaŭ realtempe alirebla. Same pri konferencaj aliĝoj. La plena membrolisto estu konservata ĉe la kasisto, sekretario kaj prezidanto. Por plenumi sian taskon, tiuj oficantoj bezonas aktualajn, fideblajn informojn pri la nuna kaj pasinta membraro. Tio krome liveras la bezonatan sekurecon kontraŭ subita komputila paneo – ĉiu esenca tia datumaro konserviĝu en almenaŭ tri komputiloj aŭ serviloj

**Gvidiloj:** Aldone al la seso da pliaj regularoj akceptitaj de la ligo, aperu gvidiloj, kiuj formos la trian tavolon. Tie aperu ne nur devigoj kaj decidoj, sed ankaŭ praktikaj konsiloj kaj gvido, kiel ni plenumu diversajn aspektojn de la agado. Iuj detaligos la taskaron de la specif-oficaj estraranoj kaj komisiitoj, aliaj donos gvidon al sekciestroj, event-organizantoj, kontribuantoj al ligaj eldonaĵoj, ĉio ajn utila. Pluraj gvidiloj estas malnete verkitaj kaj komencos baldaŭ aperi. La propono estas ke gvidiloj estu kreeblaj kaj modifeblaj de la estraro, sed post akcepto, devas tuj esti publike afiŝitaj, tiel ke komitatanoj povu proponi modifojn aŭ forigon kaj starigi demandojn prie. La regularo agnosku la ekziston de tiuj gvidiloj en la liga strukturo, kaj difinu kiel ili funkcii.

Resumo de kelkaj punktoj bezonantaj bonigon en nia regularo:

- Mankas en la asignado de taskoj mencio pri la membro-administrado, unu el la plej kernaj aspektoj de la liga funkciado.
- Mankas protekto-mehanismo por eksigotaj sekcioj aŭ reprezentantoj; pri tio la koncernatoj, la tuta estraro kaj komitato havu tri-monatan averton antaŭ la efektivigo; nur la Komitato rajtas eksigi sekcion.
- Mankas postuloj al demisiintaj aŭ nereelektitaj estraranoj orde transdoni la datumojn kaj dokumentojn rilate al siaj oficoj al la posteuloj – tial apenaŭ legeblas publike pri ajna agado antaŭ 2008.
- Mankas postulo, ke sekcio devas konservi kvin internaciajn membrojn por pluvivi. La sola postulo nun estas ke ekzistu kvin por la fondo. La komitato en Havano proponis ripari tiun mankon, se konfirmite, tio okazos.
- Kelkloke la postuloj devenas el la fruaj naŭdekaj jaroj, antaŭ la reta epoko. Ke tagordaj proponoj por komitatkunsidoj devu alveni tri monatojn antaŭe estas nun klara anakronismo. La postulo, ke sekciestroj kaj reprezentantoj reagu al komunikoj de la Ligo ‘ene de 40 tagoj’ impresas biblece. La difinoj de vortoj kiaj ‘skribe’ kaj ‘sendi’ devas esti larĝigataj por permesi retajn skribaĵojn kaj sendojn. Kaj tiel plu.
- Kaj plie tiel plu tra pluraj punktoj, por forigi internajn kontraŭdirojn.

## Financado

Aktualigita buĝeto por 2011 estas legebla en nia retejo. La komitato nun voĉdonas pri ĝi. Ĝi prezentas la plej fundamentan restrukturigon de la ligaj financoj de la lastaj dek jaroj, kaj eble en ĝia tuta 51-jara historio. Por citi la senmortajn votojn de Victor Sadler, siatempa direktoro de la Centra Oficejo de UEA, al tiamaj estraranoj: “Planado sen financa planado ne havas sencon.” Kernaj elementoj de tiu buĝeto:

- Disponigo de serioza sumo por kompensata volontula laboro, kune kun provizo de adekvata laborloko. La epoko en kiu 90% de la internacia laboro de la ligo kuŝas sur la ŝultroj de manpleno de estraranoj devas definitive veni al fino.
- Aldono de sumo por kovri reprezentajn kostojn.
- Firmigo de la rilatoj inter ILEI kaj ŝlosilaj partneroj per financa komponento. Temas pri la Esperanta urbo Herzberg (volontula laborloko), starigo de instruisto-trejna kurso che edukado\_net (kune kun ĝenerala apogo), daŭra subteno (kun UEA) por la trejnkursoj en universitato UAM en Poznano.

- Redistribuo de la estraraj kostoj de kunsidado, sen altigi la tutan sumon. La ĝisnuna praktiko aktive kontraŭlaboris la partoprenon de estraranoj en konferencoj, kiu seniluziigas la membraron kaj troŝarĝas tiujn, kiuj ja ĉeestas. La rearanĝado fariĝas ebla danke al la falo de enkontinentaj flugkostoj por la ekster-konferenca kunsido.
- Daŭrigo de la financado de projektoj en Afriko, Azio kaj Latinameriko, kun speciala atento al la bezonoj de la unika Simpozio preparata por Kopenhago.

## Resume

Tiuj kvar fadenoj kunplektiĝas por krei koheran vizion por la transformo de nia interna funkciado. La aspiro estas, ke fine de la nuna mandato, ILEI pluiros al la sekva periodo pli malferma, pli retuzanta, pli tutmonda, pli partnertrova, kun multobla intensigo de la informfluo inter la estraro, komitato, sekcioj, komisionoj, membroj kaj la publiko. Inter niaj organizaj celoj viciĝu, ke ILEI estu tiam ĝenerale perceptata kiel ĝi fakte jam nun fariĝas – la dua plej aktiva, sintransformanta kaj grava asoci-speca ludanto sur la movada tereno.

Kun la kredo kaj apogo de la membroj kaj sekcioj, jen ambicia sed realisma vizio – ni bezonas kolektive nur la deziron kaj pretecon labori por ĝi.



Stefan MacGill  
Prezidanto de ILEI